

VALENTINA

Beatificationis, & Canonizationis

VEN. SERVI DEI PATRIS GASPARIS DE BONO

Sacerdotis Professi Ordinis Minimorum.

INFORMATIO

SUPER DUBIO

*An & de quibus Miraculis constet in casu
& ad effectum, de quo agitur.*

BEATISSIME PATER.



1 **Q**UÆ diligentissimus hujus Causæ Postulator SANCTITATIS TUÆ pedibus provolutus in promptu habere se dixit divina Miracula, incertantis TUÆ vocis oraculo comprobanda, ad imploratam VENERABILIS GASPARIS opem jamdiu edita, auspiciatissimâ illâ die, qua de heroicis SERVI DEI Virtutibus CONSTARE decrevisti; ea modo Sacræ Rituum Congregationis examini proponit.

1 **Q**UOQUE irrefragabili subiicit iudicio, PATER BEATISSIME.

2 **T**uum est igitur constituere nunc ac definire, talia eadem esse reapse, quæ fuisse visa sunt tum oculatis mirabilium factorum Testibus in Apostolicis Inquisitionibus rite & recte ad examen adductis, tum laudato Causæ Postulatori, tum expertissimis viris Medicam & Chirurgicam facultatem in hac alma Urbe presentibus ab ipso consultis, tum denique nobis met ipsis ad Causæ patrocinium defensionemque advocatis. Quod si res, ita ex illorum ac nostra sententia ceciderit, ut ex suprema illa Veritatis Cathedra, in qua Deus Opt. Max. summo Ecclesiæ suæ bono Te constituit, diuque sospitem seruet ac tueatur, quemadmodum nuper de Virtutibus, sic etiam de propositis Miraculis CONSTARE decernas, novo cumulabis gaudio, novoque augebis decore cum Minimorum Ordinem, Hispaniamque universam, tum præsertim Valentinos, qui eum Civem, Alumnum, sanctissimique Instituti Professore, in eoque Provinciæ suæ Præsidentem apud se perpetuo habuerunt, quique id unum a Te enixis precibus ac votis humillime postulantes ac præstolantes, ut publicos Altarium honores novo hæc Cnr istia-